

憲宗元和十三年復置洒掃五十戶十五年詔文

宣王家與一子官

武宗會昌五年有事于南郊詔文宣王後與一子

宣宗大中元年有事于南郊詔文宣王後與一子

官復封百縑充春秋享奠

懿宗咸通四年以四十年代振實封百戶洒掃陵廟

五十戶

僖宗乾符二年有事于南郊詔文宣王後與一子

官

宋太宗太平興國三年四十四代孫孔宜入覲願
問孔氏歷代之數具以實對上謂左右家世有
如此遠者特遷贊善大夫襲封文宣公制曰朕
以夫子之聖其道猶天曷彼裔孫宜其嗣襲况
聞尔服勤素業砥礪官常乃諭善於東宮俾增
榮於闕里勉遵家法以荷國恩

太宗太平興國三年詔曲阜縣文宣王家歷代以
聖人之後不與庸調周顯德遣使均田抑同編
戶今可特免

太宗至道間三年三月真宗已即位詔四十五代
孫孔延世上殿詢以家門故事授曲阜令襲封
文宣公

真宗初即位詔訪文宣王後得四十五代孫延世
命為曲阜令召戒之曰汝宜精心典領祖廟无
使少墮乃賜祭器經書金帛以遺之

真宗大中祥符元年十月駕至兗州曲阜縣謁先
聖廟其文宣公伯叔兄弟子姪並許陪位十一
月一日詣祖廟宰臣及親王以下文武百官各

立班殿庭孔氏子孫與焉初有司定儀肅揖而
已上特展拜百官皆拜帝斂衽北面式瞻粹容
嘉歎久之立殿西序召孔氏子孫撫諭周至賜
四十四代孫孔延渥五人同李究出身而奉旨
許造酒以供祭祀詔加謚玄聖文宣王祝文特
進名廟內制度未合典禮因茲改正更給十戶
以奉崇域仍差官以太牢致祭宣賜孔氏銀三
百兩帛三百疋俵賜諸房又賜田百頃

真宗天禧二年春賜文宣公家祭冕服五年以孔

子四十六代孫聖祐襲封文宣公知仙源縣事
遷贊善大夫

仁宗至和二年三月詔改封孔子後為衍聖公初
太常博士祖無擇言按前史孔子之後襲封者
在漢魏曰褒成褒亭宗聖在晉宋曰奉聖後魏
曰崇聖北齊曰恭聖後周及隋並封鄒國唐初
曰褒聖開元中追謚孔子為文宣王又以其後
為文宣公是以祖謚而加後嗣也不可朝廷下
其議乃改封衍聖公制曰孔子之後以爵號褒

三氏志卷二 八三十四
顯世之不絕其未遠矣自漢元帝封為褒成君以奉其祀至平帝時改為褒成侯始追謚孔子為褒成宣尼公褒成其國也宣尼其謚也公侯其爵也後之子孫雖更改不一而不失其義至唐開元中始追謚孔子為文宣而尊以王爵封其嗣褒聖侯為文宣公孔氏子孫去國名而襲謚號禮之失也蓋由此始朕稽考前訓博採群議皆謂宜去漢之舊革唐之失稽古正名於義為當朕念先帝崇尚儒術親祠闕里而始加至

聖之號務極尊顯之意肆朕纂臨繼奉先志尊儒重道不敢失墜而正其後裔嗣襲之號不其重歟宜改封至聖文宣王四十六代孫宗愿為衍聖公

仁宗即位之初謂輔臣曰孔子廟自祖先以來皆以子孫世知縣事奉祠祭今乃不然非所以崇儒術尊

先聖之意其詔自今仙源縣復選孔氏子弟為之皇祐三年七月八日詔兗州仙源縣

國朝以來世以孔氏子孫知縣事使奉承廟祀近歲
廢而不行非所以尊先聖也自今宜復于孔氏
子弟中選充

神宗熙寧元年以孔子四十七代孫若蒙襲封文
宣公

哲宗元祐元年添賜田一百大頃至八年三月十
六日奉勅將舊賜田一百頃均給族人新賜田
一百頃撥二十頃充廟學供贍生員二十頃充
歲時祭祀十頃置殿庭簾幙什物其五十頃歲

校田修葺祠宇

哲宗元祐元年監察上言儒廟闕典奉旨令禮部
太常寺同共詳定典禮文添賜田一百頃使
其家依鄉原例自召人戶耕種更不用賦田制
撮之法又賜監書一本置教授官一員於舉到
文官人內差或委本路監司保舉有行義人充
令教諭本家子弟內舉人依本州文正例優與
供給如鄉人願從學者聽

哲宗元祐元年孔子四十六代孫孔宗翰奏曰襲

封疏爵本為侍祠今乃兼領他官及不在故郡
朝廷既許居外何能更恋祖堂以至祠宇頽弊
恬不為恠也乞下有司議其所宜今後不許襲
封之人別領他官終身使在御里則知其不可
輕去必能嚴潔祀事有睦親族實家門之幸奉
聖旨依

哲宗元祐元年勅白身合襲封人與除承奉郎專
以主先聖祠事為職添支給隨本資次每三
年理為一任用本路及按察官薦舉依吏部格

闕陞資任

如朝廷非次擢用許依舊帶公爵出今以次合襲
封人權主祀事每遇親祠大祀冬正朝會許赴
闕陪位

哲宗元祐三年鴻臚卿孔宗翰奏三省同奉旨依
奏白身合襲封奉聖公者除承奉郎改衍聖公
為奉聖公及刪定家祭冕服等制度頒賜俾遵
奉施行

哲宗元符元年奉旨下本家眾議選擇近理守分

人承襲號四十六代宗壽等保明四十七代孫
歸安縣主簿若虛堪克襲封奉旨依合入官襲
封奉聖公

徽宗崇寧三年勅文宣王之後常聽一人注兗州
仙源縣官許最長承襲先是仁宗皇祐三年詔
曰兗州仙源縣

國朝以來世以孔子子孫知縣事使奉承廟祀近歲
廢而不行非所以尊先聖也自今宜復於孔氏
子弟中選用

徽宗崇寧三年復封四十八代孫端友為衍聖公
管勾祀事誥曰至聖文宣王四十八代孫端友
自書契以還爵於朝者多矣未有傳世四十有
八而不絕者也唯尔文宣王之後次當承襲宜
錫黻并示寵渥往加恪慎務保厥業

徽宗大觀四年勅孔子四十八代孫端友白身除
承奉郎襲封衍聖公管勾祀事

徽宗宣和三年十一月除四十八代孫端友直秘
閣賜緋章服仍許就任闕陞以示崇獎誥曰先

聖古今之師也由百世之後等百王之王殆未
有能違之者朕既法其言遵其道舉以為治猶
以為未也又錫其後裔以褒大之尔先聖之系
官東魯者積有年矣通籍金閨陞華芸閣以示
崇獎汝尚勉哉

高宗紹興二年閏四月五日以四十九代孫璠襲
封衍聖公誥曰夫子之道踰於堯舜澤及万世
靡有所穷欽崇顧報邦有異典肆予命尔紹于
世封惟欽惟必則無墜命可襲封衍聖公專主

奉先聖祠事卒贈榮祿大夫

金章宗明昌元年六月十三日有司以特旨修理
宣聖廟宇今本廟具隨代支給田土增損數目
本廟言舊賜田二百大頃因值兵革除見在外
不知下落四十八大頃八十六畝已申上司後
承戶部符於豐縣區村張村新村潘村李村慕
義六處貼拵足數計准今時官畝一百二十三
頃二畝一分五厘七毫明昌三年奉旨於四舉
五舉終場士人內選充廟學生員其孔氏子孫

年十三以上聽就學不限人數依府學養士例
六月幫官會二貫米三斗小孝半之合用人力
於兗州射糧軍內拊差所需什物依大學例官
為應副委州官進士出身者提舉

章宗明昌二年四月以五十一代孫元措襲封衍
聖公誥曰聖謨之大遺範百王德祚所傳垂光
千祀蓋立道以經世承家之有人文宣王五
十一代孫孔元措秀卓行純清洙流潤芝蘭異
稟蔚為宗黨之英詩禮雅聞蚤服父兄之訓誥

年雖妙論德已成肆躋世爵之封仍換身章之
數非獨增華於尔族固將振耀於斯文勉嗣前
修用光新命三年四月奉特旨超授中議大夫
仍賜四品勳封誥云夫子既沒千八百年後人
相承五十一世自近古以公其爵顧階散如彼
其卑必也正名難於仍舊是以興百王之曠典
峻五品之華資以尔有成人之風繼將聖之後
當余定格會尔疏封噫廟貌存焉克謹歲時之
祀家聲久矣無忘詩禮之傳學有餘師善將終

譽

元宗九年丁酉欽奉聖旨節該孔氏一十五家
顏氏八家孟氏二家洒掃廟戶依舊一百戶計
一百二十五戶奉上絲綿顏色稅石軍役大小
差發並行蠲免上頃戶計及行除豁不係州縣
所管欽此

世祖中統建元之初制以舊典立曲阜廟學遴選
師儒充孔顏孟三氏子孫教授正錄各一頁訓
其子弟比之常例優加擢用其三氏子孫入國

學者俾同朝官子例任教官者比常例每減一
考入流

世祖中統三年按孟氏祖庭託作甲寅年果是甲
寅年乃元憲宗四年與此不同未知孰是差揚
庸克南學教授欽奉聖旨擴孔氏顏孟之家皆
聖賢之後也自兵亂以來往來失學甘為庸鄙
朕甚憫焉今以進士揚庸教授孔氏顏孟子弟
先生務要嚴加訓誨精通經術以繼聖賢之業
宜合往此

成宗大德四年孔廟石刻

皇帝聖旨裏翰林國史照得先往翰林學士閻中奉牒竊惟先聖文宣王之後自漢以未褒封公侯之爵俱有食邑歷代相仍至唐宋金視舊有加各依品秩頒支俸給國朝有天下累聖崇奉至元三十一年今上皇帝即位首授五十三代孫密州知州孔治中議大夫襲封衍聖公爵一品散官四品合得俸祿未蒙給賜古者任官然後爵之位定然後祿之上自一品下至司馬小吏

俱有俸給况朝廷崇尚聖人之後既已頒降宣命獨領虛名未霑實祿豈稱爵祿相須之義照得前代襲封各兼他職視其兼職以為俸廩之差今既無兼職若止視散官品秩照依隨朝正四品例每月封幣支俸鈔俾之有爵有祿以奉祭祀益見明時尊崇聖道之意如准所舉轉呈都省定奪似為相應請照驗准此叅詳學士閻中奉所奉如准給俸相應具呈中書省照詳去訖今准戶部聞大德四年閏八月十六日承奉中

書省大德四年七月十六日判送禮部呈奉選翰林國史院呈襲封衍聖公孔治合得俸祿未蒙給賜送戶部照擬得孔治迺先聖之後本官欽受宣命中議大夫襲封衍聖公行使正四品印信既是有爵例應有祿如准翰林國史院所奉比依太史院同知俸例月支中統鈔二錠擬無職田自准呈月日為始於濟寧路就便支給本部照得漢宣帝始封孔子十三代孫霸為閔內侯號褒成君實餼八百戶光武改封十六代

孫奮為褒成君食邑二千戶至晉武帝改封二十二代孫震為奉聖侯食邑二千戶自此至唐改封崇聖侯褒聖侯文宣公至宋仁宗至和二年改封四十六代孫宗原為衍聖公並有食邑歷金至國朝一例襲封議得公侯乃古之爵號既受其爵必有食邑然歷代以來孔氏子孫雖有世封之爵亦視其才德任以官職既有食邑又有祿秩我朝自定官制以來無封爵食邑之例內外百官止請所受官職之俸參詳國朝遵

依前代盛典已封孔子五十三代孫治為衍聖
公授以四品散官及四品印信擬合比附隨朝
四品官例給俸實為相應得此照得近准蒙古
文字譯該中書省官人每根底阿魯渾撒里字
蘭奚言語在先孔子的後嗣襲封衍聖公名字
與了有未如今這孔子的五十三代根脚他的
孔治在前密州做官孔夫子的廟祭祀官著有
未麼道新林克裏學士他根底在前襲封衍聖
公体例裏做襲封阿怎生說有麼道奏阿那般

者聖旨了也欽此都省已經欽依頒降宣命印
信外據俸給要復過奉都堂鈞旨依准戶部所擬
送本部依上施行奉此當部除外合行移開請
照驗施行次襲封衍聖公孔中議

仁宗延祐三年歲丙辰九月十九日戊午中書省
委官宣使劉天惠振民乘傳頒降宣聖五十四
代孫孔思晦宣制授爵襲封衍聖公中議大夫
銅印一祿四品同在朝專主奉祀事

泰定帝遜四年丁卯二月進襲封衍聖公孔思晦

嘉議大夫祿三品

文宗至順二年秋七月藝文少監歐陽玄言先聖五十四世孫襲封衍聖公爵最五等秩登三品而用四四品銅印於爵秩不稱詔鑄從三品銀印給之

順帝至正六年以孔子五十六代孫孔希學襲封衍聖公

順帝至正六年四月五日帝幸國子學賜衍聖公克堅秩二品改授銀章

大明國朝

崇重盛典

洪武元年三月初四日五十六代孫祭酒臣孔克堅承

太祖高皇帝

親筆諭孔氏子孫

吾聞爾有風疾在身未知實否然彼孔氏非常人也彼祖宗垂教於世歷經數十代每之賓職王家非胡君運去獨為今日之之異也

吾率中土之士奉

天逐胡以安中夏雖曰庶民古人由民而稱
帝者漢之高宗也爾若無疾稱疾以慢
吾國不可也

諭至思之

是歲月日謹記

洪武元年十一月十四日臣孔克堅

謹身殿內

上對百官奉

聖旨老秀才近前來你多少年幾也對曰五十三
歲上曰我看你是有福的快活不委付你勾當
常寫書與你的孩兒我看資質也温厚是
家的人你祖宗留下三綱五常垂憲万世的好
法度你家裏不讀書是不守你祖宗法度如何
中你老也常寫書教訓着休怠惰了於我朝代
裏你家裏再出一箇好人呵不好二十日於謹
身殿西頭廊房下奏

上位曲阜進表的迴去臣將主上十四日戒諭的

聖旨備細寫將去了

上喜曰道與他喫酒多讀書

洪武元年十二月仍封孔子五十六代孫孔希孝
為襲封衍聖公

制曰奉

天承運

皇帝聖旨古之聖人自羲農至於文武法天治民明
並日月德化之盛莫有加焉然皆隨時制宜世
有因革至于孔子雖不得其位會前聖之道而

通之以垂教万世為帝者師其孫子思又能傳
述而明言之以極其盛有國家者雖統緒尊其
爵號蓋可以崇德而報功也歷代以來膺襲封
者或不能繩其祖武朕甚愍焉當繼之初勅世
襲者得其五十六代孫孔希孝大宗是紹爰行
典禮以致褒崇爾其勤敏以進孝恭儉以成德
庶幾領袖世儒益展聖道之用於當世以副朕
致望豈不偉歟可封資善大夫襲封衍聖公宜
令孔希孝准此

洪武元年十二月十九日本部崔尚書宣侍郎同
朱學士濮指揮周指揮李指揮陸鎮撫等官
於謹身殿西廊下欽奉

御筆聖旨孔氏子孫皆免差發稅糧有司依例科
徵顏孟子孫惟大宗免差餘按不免欽此除欽
遵外一孔顏孟三氏子孫差發稅糧前件欽依
聖旨事昔施行仰照驗一合設員數本部議得奏
准額設官屬人等宜從襲封衍聖公舉保堪用
人數具呈都省以憑益用襲封衍聖公官屬掌

書一名書寫一名知印一名奏差一名屬官三
員管勾典籍司樂孔顏孟三氏子孫儒學教授
司今授教授一員季錄一員學司一名尼山洙
泗二處書院山長今授各設一員前件欽此施
行仰照林廟等事右劄付襲封府准此洪武二
年正月日

洪武二年孔廟石刻

皇帝聖旨山東等處行中書省吏房准戶房付准中
書省咨近准江淮行省平章韓崇祿咨為林廟

泗掃戶女戶樂戶事該照田平章榜文收集掃
泗廟戶一百戶女戶樂戶二十六戶尼山廟元
設一十五戶另有石碑可考雖有舊典增減準
否例從

朝廷開咨施行送據翰林國史院官會同太常博
士陳承事議得女戶樂戶不見歷代載籍明文
林廟泗掃人戶擬合存設名數多寡宜從朝省
定奪又准本省咨為孔顏孟三氏子孫賦役襲
封衍聖公官屬孔顏孟子孫儒學教授尼山洙

泗書院山長並送據翰林國史院官會同太常
博士陳世昌參考得宋哲宗元祐元年禮部太
常寺禮官議立季以訓其子孫其襲封專主祠
享賜書置教授教諭孔氏子孫狎隣願從季者
聽孔顏孟三氏子孫俱係先聖先賢之後歷代崇
事同一體其教授訓諭三氏子孫理宜存設顏
孟子孫差稅間奏蠲除襲封衍聖公官屬員數
多寡尼山洙泗二處書院山長合無設置宜從
都省定奪得此送據尚書禮部呈定擬到各項

事理開坐咨請施行准此除外仰移付本房照
驗施行准此省府合下仰照驗施行須議劄付
者一呈林廟事本部議得上項洒掃人戶合依
漢唐宋制存設一百戶外據女戶樂戶不見載
籍別難定擬洪武元年十二月十六日禮部傳
侍郎張郎中同陳修撰李起居注單起居注安
給事中安殿中侍御史宿衛寺官於

奉天門奏奉

聖旨佳擬欽此除欽遵外具呈照驗得此前件欽
依施行一呈賦役等事定擬到後項事理洪武
元年十二月十六日本部傳侍郎張郎中同陳
修撰李起居注單起居注安給事中安殿中侍
御史宿衛寺官於

奉天門奏奉

聖旨准欽准此

洪武三年五月初四日左丞相宣國公等官於
正宮門西耳房欽奉

聖旨孔祭酒在前曾說多有同姓的指着先聖宗

派都來曲阜四散居住中間多有不知禮義相
聚日又恐相連累今後除襲封這一宗派休教
他當差其餘踈遠枝派子孫分揀出來與百姓
一体當差欽此

洪武六年八月二十九日

皇帝御端門文武百官早朝臣希學亦預列班中

上召臣問曰爾年幾何臣跪對曰三十又九

上曰今去爾祖孔子歷年幾何臣又對曰近二千年

上曰年代雖遠而人尊敬如一日何也為爾祖明綱

常興禮樂正彝倫所以為帝者師為常人孝

至萬世其道不可廢也且爾祖無所不學無所

不通故得為聖人如問禮於老聃學琴於師襄

之類此謂學無常師非特如此楚王渡江得一

物其大如斗其赤如日其甜如蜜眾皆不知遣

使問於甯祖甯祖曰此萍實也問何以知之爾

祖曰昔吾聞諸童謠云童子之言爾祖尚記之

不忘况道德之奧者乎今爾為襲爵至上公不

為不榮歟此非爾祖之遺廕歟朕以爾孔子之

裔不欲於流內銓注以政事煩爾正為保全爾也爾若不讀書孤朕意矣且人年自八歲至弱冠多昏蒙未開不肯向學自冠至壯年有室血氣正感百為營々亦無暇好學爾年近四十志慮漸凝定見識漸老成正好讀聖人之書親近明師良友蚤夜講明道義必期有成學成之後四方之人知爾之能俱來執經問難且曰此無愧孔氏子孫者豈不美歟然四體之勤乃德之符步履進退亦必用安詳不可歌斜飛舞文之習

熟迹為端人正士朕今婉曲教爾々其自擇還家亦以此教子孫可也勉之哉勉之哉臣叩頭拜謝而退謹備書如石裝潢成軸歸嚴置於中堂儼如對越

天威無咫尺之間

天語諄々亦朝夕在耳誓於修身繕性日致其功不敢有負於

聖恩云是年九月朔資善大夫叢封衍聖公臣希孝

頓首百拜謹記

洪武七年七月日勅五十五代孫孔克伸為從仕
郎知曲阜縣事

勅曰奉

天承運

皇帝勅曰昔君天下者官以五爵自漢以下朕分九
第九斯之朕非德功者弗登可見昔君慎名爵
而重志能者朕值胡運天更布衣而起草萊夫
命歸而群英附不五七年間偃兵息民一華夏
主兆民紀年洪武當建國之初已定神人之分

故天地位其位黔黎務焉其於先聖先師朕不
敢外稽諸歷代載在祀典者則仲尼有血食後
嗣有襲封於是法前代仍舊章孔希孝受封世
為縣令者希大職如前何期希大不依祖訓屢
干國憲自蹈罪戾以失世官今特選本族以孔
克伸授從仕郎知濟寧府兗州曲阜縣事爾尚
夙夜忠勤承流宣化宜鑒前車之失求無忝於
聖裔則予汝嘉爾勉哉

洪武十一年十二月十七日中書省有內使林英

承勅即曹儀贊至勅符先師孔子孫襲封衍聖公至

京朝觀爾中書下禮部用心禮待所有隨行者皆要歡心勿使有缺故

勅速行勿怠洪武十一年十二月十七日黃字三十六號

洪武十一年十二月十七日是日勅襲封衍聖公孔希學卿家昭名歷代不朽富貴永張天地間乃由陰陽之重云何以其明彛倫攸叙之精微表

萬世綱常之不泯也故若如卿常思祖道可動人天朕聞卿未朝已勅中書下禮部使所用如意未知給否雖從行者務要歡心故茲

勅諭洪武十一年十二月十七日黃字七號

勅中書下禮部賜先師孔子孫襲封衍聖公孔希學日用如舊餘皆照例潔所在以安之母怠如勅奉行

洪武十二年十二月十七日

勅襲封衍聖公孔希學昔卿之祖能明綱常以植

世教其功大哉故其後世子孫相承凡有天下者莫不優禮今卿每歲耒朝不避嚴凍可謂篤君臣之大義而不拂於祖之訓者矣已

勅中書下禮部賜卿日用故茲

勅諭洪武十二年十二月十七日字字五十八號
洪武十四年諭祭孔希學維洪武十四年歲次辛酉十一月壬午朔越十二日癸巳

皇帝遣行人張濟民諭祭于故襲封衍聖公孔希孝之靈曰三綱五常之道始上古列聖相承率修

明以育生民至於中古將欲墜焉非先師孔子孰能修明之今生民多福惟三綱五常之道備耳蓋世之大德者天地不淪沒人民無怨聲所以為帝者師血食千萬世不泯子孫存焉朕以爾孔希孝繼世焚修永張斯教以顯爾祖何期訃音一至云及長往嗚呼襲封榮貴克保令終可無憾矣特遣使以牲醴致祭爾其享之

洪武十五年三月日勅五十五代孫孔克當為曲阜

縣知縣

勅曰奉

天承運

皇帝勅曰朕聞古人有必報而不忘者先師也蓋謂明德傳道終身不受禍患固報之

朕與臣民同世於斯時方知

大成至聖文宣王當世之先師時人去古既遠有失報祀稽諸古典報則有光其光之顯揚師徒共之若果誠能報之則益而無損洪武十四年更部奏為襲封衍聖公長逝生前因曲阜知

縣孔克仲卒其官係孔氏子孫世職昔衍聖公已薦族人孔克當為知縣

朕思衍聖公逝後方奏慮恐不實以爾族中長者來至

京師論賢排嫡族人既至宗派分明以爾克當為賢特命為曲阜知縣以報先師爾當敬事以在公而信以來慶民儉使人校勤問民艱用力以時以揚先師盛德於戲陰陽流芳萬世不泯矣靈長存子孫承之爾宜懋哉

洪武十七年二月初二封孔子五十七代孫

孔訥襲封衍聖公

制曰奉

天承運

皇帝制曰三皇五帝之道明陳攸叙大展彝倫協天地陰陽定民居者為此也至周文繫於三墳道迷於五典蕪八索九丘之泛而諸家之說並生是致道緘塗橫鯁欲馳之莫知所向獨先師孔子明哲心樞睿知定真折偽以成詩書其脩道

之謂教可謂至矣率性之謂道可謂堅矣由是天鑒善德血食之祀萬世子孫弘衍於今耿光而弗磨者因由明之誠無間感通天下故若是也前衍聖公孔希學嬰疾長往嫡長子訥服闋未朝今襲其爵以奉先師爾吏曹如勅無怠往欽哉

洪武十七年十一月十四日勅五十六代孫孔希

文知濟府兗州曲阜縣事

勅曰奉

天承運

皇帝勅曰朕惟德相天地道合四時若此者古今罕
焉雖然始伏羲而經元聖相繼賢接踵未嘗缺
焉然如仲尼者無且秦焚之後聖賢之道止於
紀冊但存者未完獨仲尼誠通天下澤敷宇內
所以自漢崇之至唐迫封為文宣王宋加至聖
元加大成號封至極血食無窮其子孫世享榮
祿所以前代以闕里之邑賤其子孫今是邑缺
官道民族以賢推惟孔希文寔今特以希文授

承事郎知濟寧府兗州曲阜縣事爾吏曹如

勅奉行使徃欽哉

洪武二十八年二月日勅五十六代孫孔希範為

承事郎知曲阜縣事

勅曰奉

天承運

皇帝勅曰古昔盛時仕者不出其國生於其鄉而治
其同鄉之民故能察其好惡知其土俗極其疾
苦政教行而民從之也易後世或私干其鄉於

是此道不復也久矣惟爾孔氏以先師裔孫之
故前代特俾治其鄉邑庶幾古昔之意焉茲命
孔希範為承事即知曲阜縣事爾尚杜爾松空
爾欲無以勢陵下無以規撓公爾祖不云乎不
能正其身如正人何其務正身以宣政化使鄉
邑之民蒙爾之惠謂聖者之子孫果異於衆人
不亦美乎欽哉

洪武三十五年諭祭衍聖公孔鑑文維

洪武三十五年歲次壬午八月壬子朔越十五

日丙寅

皇帝遣行人亢誠諭祭于故襲封衍聖公孔鑑之灵
曰嗚呼惟卿生於神明之胄傳先聖之道天下
之所具瞻

朝廷之所崇敬奈何天不假年弗克永世

朕聞訃驚悼惟傷乃子弟以守

先聖之宗祀庶不墜前人之耿光爰以牲醴往奠
卿如有知鑒茲諭祭洪武三十五年夏四月五
日襲封衍聖公臣鑑卒秋八月十有五日

曰皇帝遣行人賈

御製祭文及祭物儀品諭祭息至隆也竊念臣先

元臣希季卒特

太祖高皇帝嘗遣使諭祭矣累世蒙

恩寵數稠疊其報宜何如耶臣忝在孔族之末裔

負曲阜縣令親覩盛典不勝感激謹錄祭文及

祭物諸品深刻諸石永傳無窮永樂元年正月

初一日宣聖五十六代孫曲阜縣世職知縣臣

孔希範謹記

永樂八年十二月十九日封孔子五十九代孫孔

彥縉襲封衍聖公誥

制曰奉

天承運

皇帝制曰孔子之道配乎天地師表萬世咸在尊崇

欽仰素王傳襲後裔今五十九代孫彥縉允為

世嫡雅有令資俾紹顯榮用光儒胃可襲封衍

聖公惟克懋勤服茲寵命勉修聖學承藉家聲

欽哉

永樂九年九月二十七日勅五十五代孫孔克中
為曲阜縣知縣

勅曰奉

天承運

皇帝勅曰國家崇先聖之道既封孔氏之嫡為衍聖
公承于世之又簡求其裔之良者為令于鄉邑
治教其民者着在令典皆所以褒隆先聖之道
也爾孔克中乃孔子五十五代孫今特命為山
東兗州府曲阜縣知縣爾其懋勤忠孝承流宣

化敬慎不渝以光膺

朕命無忝于爾聖祖欽哉

洪熙元年正月十三日對襲封衍聖公彥縉妻夏

氏為夫人誥

制曰奉

天承運

皇帝制曰朕致敬先師施及厥後至其家室亦有褒
榮者所以廣崇儒童道之恩也先聖五十九代
孫孔彥縉受命

先帝襲封衍聖公歲特奉朝雍容進退朕用嘉之
享其禮遇其妻夏氏內助克賢而未有封命今
從其夫之貴封為夫人凡天下後世有事於修
齊治平者皆請法孔子躬配孔子之孫可不慎
哉可不敬哉益懋率履毋忝于家

宣德元年二月十二日封孔子五十八代孫公鉉

襲贈衍聖公

制曰奉

天承運

皇帝制曰孔子明堯舜禹湯文武之道三綱五常之
理示法万世我

國家遵用以安天下故推恩其子孫者所以隆崇
報之禮焉故襲封衍聖公公鉉鑑乃宣聖五十八
代孫早紹封爵而弗永年然克謹禮度不忝先
世茲特推恩追錫

誥命以著嘉念不忘之意九原有知庶其歆服

宣德元年二月十二日贈襲封衍聖公公鉉母王

氏為夫人

制曰奉

天承運

皇帝制曰國家於群臣皆推息以及其親所以教孝也况吾聖人之胄之所自出乎爾王氏故龍封衍聖公孔公鑑之母德善夙著於閨門今既追錫爾子誥命揆厥原本特增爾為夫人服此榮恩水貴因壤

宣德元年二月十二日封龍封衍聖公孔鑑妻胡氏為太夫人

制曰奉

天承運

皇帝制曰朕惟人子之賢雖本於父而資於母德亦深矣故

國家之於群臣皆有推恩之典如乃故龍封衍聖公孔鑑之配今考鑑之母婦道母則不忝于聖人之後茲特封爾為太夫人益茂訓慈以裕爾嗣欽哉

宣德元年二月十二日勅孔克中妻陳氏為孺人

三民志卷二 六十二
勅曰奉

天承運

皇帝勅曰聖人於家人之義蓋曰女正位乎內男正位乎外厥今有婦于其家而不辱其敬者得不有以褒錫之乎爾曲阜縣知縣孔克中妻陳氏克謹婦隨相其夫致能盡心於所職是用封為孺人祇服隆

恩永光閨闈

宣德元年二月十二日贈孔克中父孔思政為承

事即曲阜縣知縣

勅曰奉

天承運

皇帝勅曰國家於孔子之後既爵其嫡以奉世祀又擇其支裔之賢者以令鄉邑所以遵聖道而顯其世也爾孔思政乃曲阜縣知縣克中之父有德善以成其子惟取原本特贈爾為承事即曲阜縣知縣服茲

寵命永膺泉局

宣德元年十二月十二日贈孔克中母李氏為孺人

勅曰奉

天承運

皇帝勅曰聖人之教始於閨門故女德之能善其內者朝廷必有以褒顯之曲阜縣知縣孔克中故母李氏婦德母道不忝其家是致有子克為將用揆其所自宜有褒崇茲特贈為孺人服此茂

恩永膺函

表